

欽定四庫全書薈要

子部
數術類

吉林出版集團有限責任公司
海天出版社

目次

書名	卷次	頁次	作者
御製律呂正義後編	卷九三—卷一二〇		清・乾隆十一年御製
卷九三		二七四—一	
樂章考一			
卷九四		二七四—二五	
樂章考二			
卷九五		二七四—四五	
樂章考三			
卷九六		二七四—六三	
樂章考四			
卷九七		二七四—八三	
樂章考五			
卷九八		二七四—一一〇	
樂章考六			
卷九九		二七四—一三四	
樂章考七			

書名	卷次	頁次	作者
卷一〇〇		二七四—一六一	
樂章考八			
卷一〇一		二七四—一九一	
樂章考九			
卷一〇二		二七四—二三一	
樂章考一〇			
卷一〇三		二七四—二五三	
樂章考一一			
卷一〇四		二七四—二七六	
樂章考一二			
卷一〇五		二七四—三〇〇	
樂章考一三			
卷一〇六		二七四—三一六	
樂章考一四			
卷一〇七		二七四—三四五	
樂章考一五			
卷一〇八		二七四—三七二	
樂章考一六			

書名	卷次	頁次	作者
卷一〇九 樂章考一七		二七四—三九七	
卷一一〇 樂章考一八		二七四—四二四	
卷一一一 樂章考一九		二七四—四五九	
卷一一二 樂章考二〇		二七四—四九〇	
卷一一三 度量權衡考一 國朝製度		二七四—五一三	
卷一一四 度量權衡考二 歷代通考 歷代度考		二七四—五二八	
卷一一五 度量權衡考三 歷代量考		二七四—五四四	
卷一一六 度量權衡考四 歷代權衡考		二七四—五五四	
卷一一七 樂問一		二七四—五六三	

書名	卷次	頁次	作者
卷一一八 樂問二 卷一一九 樂問三 卷一二〇 樂問四		二七四—五八四 二七四—六〇五 二七四—六二九	

欽定四庫全書薈要

子部
御製律呂正義後編卷九十三

詳校官主事臣陳本



欽定四庫全書薈要卷一萬一千二十九
子部
御製律呂正義後編卷九十三

樂章考一
郊祀

漢

東漢

魏

晉

宋

欽定四庫全書

御製律呂正義後編
卷九十三

齊

梁

樂章考

正大小雅朝廷燕饗之樂歌三頌宗廟享祀之樂歌周頌附魯商而為三商之樂歌乃傳至今說經者謂魯宗國也孔子殷人也故以魯殷附焉未必然也諸國或各有頌惟魯天子之賜樂也故魯可存若夫夏之大葭當亦必有樂歌而祀變於夷則亡之孔子無從而存之也若夫五子之歌載於夏書明良之歌載於虞書孔子之時苟有存者無使其亡之理審是則八伯之日月光華帝堯之饗乎鼓軒乎舞禹之至人代天等辭皆好事者所為信也茲編歷代樂章於

欽定四庫全書

御製律呂正義後編 卷九十三

二

本朝樂章之後蓋竊取三頌及殷之義其自漢始以迄於明而不及周以上者以既見於詩書則不必編其非詩書所載則又不敢編也

歷代郊祀樂章

案禮祭天地有樂者為降神也故易曰雷出地奮豫

先王以作樂崇德殷薦之上帝以配祖考周官曰作樂於圜丘之上天神皆降作樂於方澤之中地祇皆出又曰乃奏黃鐘歌大呂舞雲門以祀天神乃奏太簇歌應鍾舞咸池以祀地祇由斯而言以樂祭天地其來尚矣故敘歷代樂章自郊祀始

漢郊祀歌

漢書禮樂志云武帝定郊祀之禮乃立樂府采詩夜誦有趙代秦楚之聲以李延年为協律都尉召司馬相如等數十人造為詩賦畧論律呂以合八音之調作十九章之歌案陳氏樂書曰漢馬象赤蛟之類皆歌之宗廟故汲黯曰凡王者作樂上以承祖宗下以化兆民今陛下得馬詩以為歌協於宗廟先帝百姓豈能知其音耶据此十九章宗廟亦用之然考漢書禮樂志曰郊祀歌十九章其詩曰云云則十九章郊樂也十七章廟樂也分載甚明今姑從之

練時日一

欽定四庫全書

御製律呂正義後編 卷九十三

三

練時日侯有望燭臂蕭延四方九重開靈之旂垂惠恩
鴻祐休靈之車結玄雲駕飛龍羽旄紛靈之下若風馬
左蒼龍右白虎靈之來神哉沛先以雨般裔裔靈之至
慶陰陰相放悲震澹心靈已坐五音飭虞至旦承靈億
牲繭粟深盛香尊桂酒賓八鄉靈安留吟青黃徧觀此
眺瑤堂衆嫔竝綽奇麗顏如茶兆逐靡被華文厠霧縠
曳阿錫佩珠玉俠嘉夜荳蘭香澹容與獻嘉觴

帝臨二

欽定四庫全書

御製律呂正義後編
卷九十三

四

帝臨中壇四方承宇繩繩意變備得其所清和六合制
數以五海內安寧興文偃武后土富媪昭明三光穆穆
優游嘉服上黃

青陽三

青陽開動根芽以遂膏潤并愛跂行畢逮霆聲發紫壇
處頃聽枯橐復產乃成厥命衆庶熙熙施及天胎羣生
堪堪惟春之祺

朱明四

朱明盛長專與萬物桐生茂豫靡有所詘數華就實既
阜既昌登成甫田百鬼迪嘗廣大建祀肅雍不忘神若
宥之傳世無疆

西顥五

西顥沆瑒秋氣肅殺含秀垂穎續舊不廢姦偽不萌妖
孽伏息隅辟越遠四貉咸服既畏茲威惟慕純德附而
不驕正心翊翊

玄冥六

玄冥陵陰蟄蟲蓋藏草木零落抵冬降霜易亂除邪革
正異俗兆民反本抱素懷樸條理信義望禮五嶽藉斂
之時掩收嘉穀

惟泰元七

惟泰元尊媪神蕃釐經緯天地作成四時精建日月星
辰度理陰陽五行周而復始雲氣雷電降甘露雨百姓
蕃滋咸循厥緒繼續恭勤順皇之德驚路龍麟建始元年丞相
匡衡奏罷驚路龍麟句罔不矜飾嘉邇列陳庶幾宴享
更定詩曰涓選休成

欽定四庫全書

御製律呂正義後編
卷九十三

五

滅除凶災列騰八荒鐘鼓笙雲舞翔招搖靈旗九夷賓將

天地八

天地竝況惟予有慕爰熙紫壇思求厥路恭承禋祀縉
豫為紛黼繡周張匡衡奏罷黼繡周張句承神至尊千

更定詩曰肅若舊典

童羅舞成八溢合好効歡虞泰一九歌畢奏斐然殊鳴
琴竽笙會軒朱璆磬金鼓靈其有喜百官濟濟各敬厥
事盛牲實俎進聞膏神淹留臨頒搖長麗前揆光耀明

欽定四庫全書

御製律呂正義後編
卷九十三

六

寒暑不忒況皇章展詩應律銷玉鳴函宮吐角激徵清
發梁揚羽申以商造茲新音永久長聲氣遠條鳳鳥翔
神夕奄虞蓋孔享

日出入九

日出入安窮時世不與人同故春非我春夏非我夏秋
非我秋冬非我冬泊如四海之池偏觀是耶謂何吾知
所樂獨樂六龍六龍之調使我心若嘗黃其何不侏下

天馬十

案漢書武帝紀曰元鼎四年秋馬生渥洼水中

作天馬之歌太初四年春貳師將軍李廣利斬

大宛王首獲汗血馬來作西極天馬之歌禮樂

志曰天馬歌元狩三年馬生渥洼水中作李斐

曰南陽新野有暴利長武帝時遭刑屯田燉煌

界數於渥洼水旁見羣野馬中有奇者與凡馬

異來飲此水利長先作土人持勒鞞於水旁後

馬玩習久之代土人持勒鞞收得其馬獻之欲

欽定四庫全書

御製律呂正義後編
卷九十三

七

神異之云從水中出也又禮樂志曰天馬來太

初四年誅宛王獲宛馬作西域傳曰大宛國多

善馬馬汗血言其先天馬子也應劭云大宛有

天馬種蹏蹏石汗血蹏石者謂蹏石而有跡言

其蹏堅利汗血者謂汗從前肩膊出如血號一

日千里也張騫傳曰漢武帝初發書易曰神馬

當從西北來得烏孫馬好名曰天馬及得宛馬

汗血益壯更名烏孫馬曰西極馬宛馬曰天馬

云又史記樂書稱武帝伐大宛得千里馬名蒲梢作歌曰天馬來兮從西極經萬里兮歸有德承靈威兮降外國涉流沙兮四夷服與此又不

同

太一沉天馬下霑赤汗沫流赭志傲儻精權奇繭浮雲
掩上馳體容與逝萬里今安匹龍為友

天馬來從西極涉流沙九夷服天馬來出泉水虎脊兩
化若鬼天馬來歷無草徑千里循東道天馬來執徐時

欽定四庫全書

御製律呂正義後編
卷九十三

八

將搖舉誰與期天馬來開遠門竦予身逝昆侖天馬來
龍之媒游閭闔觀玉臺

天門十一

天門開迭蕩蕩穆竝騁以臨饗光夜燭德信著靈浸平
而鴻長生豫大朱涂廣夷石為堂飾玉梢以舞歌體招
搖若永望星留俞塞隕光照紫幄珠煥黃幡比駁回集
貳雙飛常羊月穆穆以金波日華耀以宣明假清風軼
忽激長至重觴神裊回若留放殳冀親以肆章函蒙祉

福常若期寂寥上天知厥時泛泛溟溟從高旂殷勤此
路臚所求佻正嘉吉宏以昌休嘉碑隱溢四方專精厲
意逝九閼紛紛紆六幕浮大海

景星十二

案景星一曰寶鼎歌漢書武帝紀曰元鼎四年
夏六月得寶鼎后土祠旁作寶鼎之歌禮樂志
曰景星元鼎五年得鼎汾陰作如淳曰景星者
德星也見無常常出有道之國

欽定四庫全書

御製律呂正義後編
卷九十三

九

景星顯見信星彪列象載昭庭日親以察參侔開闔爰
推本紀汾睢出鼎皇祐元始五音六律依韋饗昭雜變
竝會雅聲遠姚空桑琴瑟結信成四興遞代八風生殷
殷鐘石羽籥鳴河龍供鯉醇犧牲百未旨酒布蘭生泰
尊柘漿析朝醒微感心攸通修名周流常羊思所并穰
穰復正直往甯馮蠭切和疏寫平上天布施后土成穰
穰豐年四時榮

齊房十三

案齊房一曰芝房歌漢書武帝紀曰元封二年

夏六月甘泉宮內中產芝九莖連葉作芝房之

歌應劭云芝芝草也其葉相連瑞應圖云王者

敬事者老不失舊故則芝草生內中謂後庭之

室也故詔書曰上帝溥臨不異下房賜朕宏休

是也禮樂志曰齊房元封二年芝生甘泉齊房

作

齊房產草九莖連葉宮童効異披圖按諫元氣之精回

欽定四庫全書

御製律呂正義後編
卷九十三

十

復此都蔓蔓日茂芝成靈華

后皇十四

后皇嘉壇立玄黃服物發冀州兆蒙祉福沆沆四塞假

狄合處經營萬億咸遂厥宇

華十五

華曄曄固靈根神之游過天門車千乘敷昆侖神之出

排玉房周流雜拔蘭堂神之行旌容容騎沓沓般從從

神之徠泛翊翊甘露降慶雲集神之掄臨壇宇九疑賓

夔龍舞神安坐鸛吉時共翊翊合所思神嘉虞申貳觴

福滂洋邁延長沛施祐汾之阿揚金光橫泰河莽若雲

增陽波徧臚驪騰天歌

五神十六

五神相包四隣土地廣揚浮雲托嘉壇椒蘭芳璧玉精

垂華光益億年美始興交於神若有承廣宣延咸畢觴

靈輿位偃蹇驪卉汨臚析奚遺淫淥澤汪然歸

朝隴首十七

欽定四庫全書

御製律呂正義後編
卷九十三

十一

案朝隴首一曰白麟歌漢書武帝紀曰元狩元

年冬十月行幸雍獲白麟作白麟之歌顏師古

云麟麋身牛尾馬足黃色圓蹄一角角端有肉

朝隴首覽西垠雷電蔡獲白麟爰五止顯黃德圖勾厓

熏鬻強闊流離抑不祥賓百僚山河餐掩回轅鬻長馳

騰雨師灑路陂流星殞感惟風蕭歸雲撫懷心

象載瑜十八

案象載瑜一曰赤鴈歌漢書禮樂志曰太始三

年行幸東海獲赤鴈作

象載瑜白集西食甘露飲榮泉赤鴈集六紛員殊翁雜
五采文神所見施祉福登蓬萊結無極

赤蛟十九

赤蛟綏黃華蓋露夜零晝暍溫百君禮六龍位勺椒漿
靈已醉靈既享錫吉祥芒芒極降嘉觴靈殷殷爛揚光
延壽命永未央杳冥冥塞六合澤汪濊輯萬國靈禔禔
象輿轡票然逝旗逶蛇禮樂成靈將歸託玄德長無衰

欽定四庫全書

御製律呂正義後編
卷九十三

十三

東漢郊祀曲

案漢明帝定樂四品一曰大予樂郊廟上陵用之二
曰雅頌樂辟雍饗射用之三曰黃門鼓吹樂天子宴
羣臣之所用四曰短簫簫歌樂軍中之所用今所傳
者惟短簫簫歌二十二曲所謂大予雅頌黃門鼓吹
樂章未有傳焉意東漢承用樂章未之有改特定樂
名為大予樂而已其辭即前郊祀十九章與

魏郊祀曲

案史志載武帝平荊州獲漢雅樂郎河南杜夔使創

定雅樂又有散騎常侍鄧靜尹商善訓雅樂歌師尹
胡能歌宗廟郊祀之曲然其所定之雅樂及郊廟之
曲史無傳焉其可見者惟短簫簫歌諸曲耳陳氏祥
道云魏文帝既受漢禪雖有改樂舞之名無變詩歌
之實故蕭子顯曰魏辭不見疑用漢辭也

晉郊祀歌

晉武帝受命之初百度草創泰始二年詔郊祀明堂
禮樂權用魏儀遵周室肇稱殷禮之義但改樂章而
已使傅玄為之詞云晉書樂志曰武帝泰始二年詔
傅玄造郊祀明堂歌辭其祀天地五郊有夕牲歌迎
送神歌及饗神歌凡五章

夕牲歌

天命有晉穆穆明明我其夙夜祇事上靈常於時假迄
用其成於薦玄牡進夕其牲崇德作樂神祇是聽

迎送神歌

欽定四庫全書

御製律呂正義後編
卷九十三

十三

宣文蒸哉日靖四方永言保之夙夜匪康光天之命上帝是皇嘉樂殷薦靈祚景祥神祇降假享福無疆

饗神歌 三章

天祚有晉其命維新受終於魏奄有黎民燕及皇天懷和百神丕顯遺烈之德之純享其玄壯式用肇禋神祇來格福祿是臻

時邁其猶昊天予之祐享有晉兆民戴之畏天之威敬授人時不顯不承於猶繹思皇極斯建庶績成熙庶幾

欽定四庫全書

御製律呂正義後編 卷九十三

十四

夙夜惟晉之祺

宣文惟后克配彼天撫寧四海保有康年於乎緝熙肆用靖民爰立典制爰修禮紀作民之極莫匪資始克昌厥後永言保之

晉天地郊明堂歌

案宋書樂志曰晉前所作天地郊明堂歌有夕牲歌降神歌天郊饗神歌地郊饗神歌明堂饗神歌其夕牲降神天地郊明堂同用案此凡五章傳玄造但郊

祭天社祭地此云地郊殆因禮經郊社之禮所以事上帝故地亦謂之郊歟但禮經不言后土省文也何得以地而亦混之為郊耶

夕牲歌

皇矣有晉時邁其德受終於天光濟萬國萬國既光神定厥祥虔於郊祀祇事上皇祇事上皇百福是臻巍巍祖考克配彼天嘉牲匪歆德馨惟饗受天之佑神化四方

欽定四庫全書

御製律呂正義後編 卷九十三

十五

降神歌

於赫大晉膺天景祥二帝邁德宣茲重光我皇受命奄有萬方郊祀配享禮樂孔章神祇嘉饗祖考是皇克昌厥後保祚無疆

天郊饗神歌

整泰壇祀皇神精氣感百靈賓蒞朱火燎芳薪紫烟遊冠青雲神之體靡象形曠無方幽以清神之來亢景照聽無聞視無兆神之至舉歆歆靈爽協動余心神之坐

同歡娛澤雲翔化風舒嘉樂奏文中聲八音諧神是聰
咸潔齊並芬芳烹牲享玉觴神悅饗歆禋祀祐大晉
降繁祉祚京邑行四海保天年窮地紀

地郊饗神歌

整泰圻埃皇祇衆神感羣靈儀陰祀設吉祀施夜將極
時未移祇之體無形象潛泰幽洞忽荒祇之出夢若有
靈無遠天下母祇之來遺光景昭若存終冥冥祇之至
舉欣欣舞象德歌成文祇之生同歡豫澤雨施化雲布

欽定四庫全書

御製律呂正義後編
卷九十三

十六

樂八變聲教數物咸亨祇是娛齊既潔侍者肅玉觴進
咸穆穆饗嘉泰歆德馨祚有晉暨羣生溢九壤格天庭
保萬壽延億齡

明堂饗神歌

經始明堂享祀匪懈於皇烈考光配上帝赫赫上帝既
高既崇聖考是配明德顯融率土敬職萬方來祭常于
時假保祚永世

宋南郊登歌

案宋書樂志曰元嘉十八年九月有司奏二郊宜奏

登歌值軍興事寢二十二年南郊始設登歌詔御史
中丞顏延之造歌詩案延之所造者有天地郊夕牲
迎送神饗神雅樂登歌凡三章

夕牲歌

夤威寶命嚴恭帝祖表海炳岱系唐胄楚靈鑑濟文民
屬獻武奄受敷錫宅中拓宇亘地稱皇聲天作主月竇
來賓日際奉土開元首正禮交樂舉六典聯事九官列

欽定四庫全書

御製律呂正義後編
卷九十三

十七

敘有牲在滌有潔在俎以薦王衷以答神祐

迎送神歌

維聖饗帝維孝饗親皇乎備矣有事上春禮行宗祀敬
達郊禋金枝中樹廣樂四陳陟配在京降德在民奔精
照夜高燎煬晨陰明浮爍沈縈深淪告成大報受釐元
神月御按節星驅序輪遙興遠駕耀耀振振

饗神歌

營泰時定天衷思心獻謀筮從建表絕設郊宮田燭置

燿火通歷元旬律首吉飾紫壇坎列室中星兆六宗秩
乾宇宴地區謚大孝昭祭禮供牲日展盛自躬具陳器
備禮容形舞綴被歌鐘望帝閭聳神蹕靈之來辰光溢
潔粢酌娛太一明輝夜華晷日裸既始獻又終烟薌營
報清穹饗宋德祚王功休命永福履充

宋明堂歌

案南齊書樂志曰明堂祀五帝漢郊祀歌皆四言宋

孝武使謝莊造辭莊依五行數木數用三火數用七

欽定四庫全書

御製律呂正義後編
卷九十三

十八

土數用五金數用九水數用六郭氏茂倩曰洪範五
行一曰水二曰火三曰木四曰金五曰土月令木數
八火數七土數五金數九水數六蔡邕云東方有木
三土五故數八南方有火二土五故數七西方有金
四土五故數九北方有水一土五故數六又納音數
一言得土三言得火五言得水七言得金九言得木
若依洪範木數用三則應水一火二金四也若依月
令金九水六則應木八火七也當以洪範一二之數

言不成文故有取捨而使兩義並違未詳以數立文
為何依據也周頌我將祀文王皆四言其一句五言
一句七言歌太祖亦無定句宋書樂志曰迎送神歌
詩依漢郊祀迎神三言四句一轉韻

迎神歌

地紐謚乾樞回華蓋動紫微開旌蔽日車若雲駕六氣
乘綢繆曄帝京輝天邑聖祖降五靈集構瑤祀聳珠簾
漢拂幌月棲檐舞綴暢鐘石融駐飛景鬱行風懋粢盛
潔牲粢百禮肅羣司虔皇德遠大孝昌貫九幽洞三光
神之安解玉鑒景福至萬寓歡

登歌

舊四言

雖臺辨朔澤官練辰潔火夕照明水朝陳六瑚賁室八
羽華庭昭事先聖懷濡上靈肆夏戒敬升歌發德永固
鴻基以綏萬國

歌太祖文皇帝詞

依周頌體

維天為大維聖祖是則辰居萬寓綴塗下國內靈八輔

欽定四庫全書

御製律呂正義後編
卷九十三

十九

外光四瀛萬宮仰蓋日館希旌複殿留景重檐結風刮

楹接緯達嚮承虹設業設虞在王庭肇禋祀克配乎靈

我將我享維孟之春以孝以敬以粒我蒸民

歌青帝詞 三言依木數

參昴夕駟照晨靈乘震司青春鴈將向桐始蕤柔風舞

暄光遲萌動達萬品新潤無際澤無垠

歌赤帝詞 七言依火數

龍精初見大火中朱光北至圭景同帝在在離實司衡

欽定四庫全書

御製律呂正義後編
卷九十三

三

水雨方降木槿榮庶物盛長咸殷阜恩覃四冥被九有

歌黃帝詞 五言依土數

履建宅中寓司繩御四方裁化遍寒燠布政周炎涼景

麗條可結霜明冰可折凱風扇朱辰白雲流素節分至

乘結暑啟閑集恒度帝運緝萬有皇靈澄國步

歌白帝詞 九言依金數

百川如鏡天地爽且明雲冲氣舉德盛在素精木葉初

下洞庭始揚波夜光徹地翻霜照懸河庶類收成歲功

行欲寧浹地奉渥罄宇承秋靈

歌黑帝詞 六言依水數

歲月既宴方馳靈承坎德司規玄雲合晦鳥路白雲繁

巨天涯雷在地時未光飭國典閉闕梁四節遍萬物殿

福九域祚八鄉晨晷促夕漏延大陰極微陽宣鵲將巢

冰已解氣濡水風動泉

送神歌

蘊禮容餘樂度靈方留景欲暮開九重肅五達鳳參差

欽定四庫全書

御製律呂正義後編
卷九十三

三

龍已沫雲既動河既梁萬里照四空香神之車歸清都

璇庭寂玉殿虛睿化凝孝風熾顧靈心結皇思

齊南郊樂歌

案南齊書樂志曰武帝建元二年有司奏郊廟雅樂

歌辭舊使學士博士撰搜簡採用請敕外凡肄學者

普令製立參議太廟登歌宜用司徒褚淵餘悉用黃

門郎謝超宗辭超宗所撰多刪顏延之謝莊辭以為

新曲備改樂名永明二年又詔王儉造太廟二室及